

voluptatibus permotus, aut concupiscentia abiectus, vel vitijs corruptus ab egregijs, optimisque desisteret functionibus, Nè verò aliquà infectus labe à proposito decideret, arctioris vitæ nexibus adstringi concupiuit, & sacrosancti Prædicatorij Ordinis disciplinam est amplexatus, & professus. Indole, & ingenio præditus excellenti, sacrarum literarum studio, & sapientiâ imbutus, magisterij est insignitus titulo, & honore, ad concionandi munus allectus, faustis id suscepit, & præstitit auspicijs. Candidissimi huius lilij suavis odor in omnem Hispaniam, aliasque orbis partes latè diffusus, in Regiam est evocatus. At cum inter primos non infimum dignitatis obtinere gradum, alta quadam rerum humanarum despectione ab eis elongavit se fugiens, & solitudinis desiderio in Mariano nemoroso saltu, quinto fermè à nobis lapide, cænobio ædificando situm non multum Ierosolymitano dissimilem, prout ipse notarat, delegit, & in eo Regis munificentia donato illud Angelorum ope cõstruxit: Beatissimi DOMINICI, simul & cælestis scælæ nomen indidit. Quod expetierat, cepit, profecit, & ad extimam usque metam, cælitum more, perfectissimè curriculum confecit. Non quasi stella matutina in medio nebula, sed solis tanquam serenum iubar affulsit, & doctor, & effector oppidanos, ac silvestres irradiavit accolæ, & cæcas criminum discussit tenebras. Claustris clausa se se virtus illa, continere non poterat, sed erèmi recondito assiduè abdebat in specus quò secretiùs ab arbitris liberior, eò ferventiùs corpus domabat, ut spiritus purior in sublimiorè rerù Divinarù anagogicâ eveheretur theoriam. Cuius itaque in cælis magna animi cõstantia perseveravit conversatio, eadem prorsus CHRIS- TIVS DOMINI NOSTRI, ac cum ipso esse, ardentissimo flagrabat, & appetebat amore. Meritis demùm, & virtutibus plenissime cumulatus dormienti similis suavissimè migravit ad Dominum. Qui eius insignem sanctitatem in vita, & post felicem transitum, etiam nunc miraculis clarissimis, & signis confirmatam, & restatam voluit.

Cum

Cum autem Cænobium illud aliquandò deserui contigisset, & receptaculum pecori pateret, vir sanctus frequens visus nocturno tempore bestias propulsare, & æs pulsare Campanum: Cælestes etiam conspecti splendores, ardentis faces longo duci ordine, & psalmorum auditi concentus. Ac si ille ad religiosum socios revocaret hospitium, & focordiam increparet. Tanti fratris ijs excitati monitu, & exhortatione, ac prodigijs percussis, incultum reversi coluere locum, nè deinceps languere sunt ausi, cælestis quandoque fragrantia afflatu perfusum, uti si ex varijs herbarum, & florum fasciculis, & aromatum suffimentis odoratissimi exhalentur, & spirent spiritus, alijsque continuò collustratum miraculis. Quibus, & fidelium concursibus exigentibus, illius sacrosanctæ reliquiae luculento conditæ loculo in altaris medio iam olim sunt sublimatæ, & lampadum, & alijs affectæ honoribus. Singulare quid in ipsis supra commune nitescit, quod intuentium ad reverentiam movet animos. Qui piâ acclamatione Sanctum compellant, & invocant, varijs etiam donis, & muneribus decoratum, exornant sacrum conditorium: atque quòd in ipsius honorem sacra oblationes offerri Missarum Solemnia, aliæque Divinae laudes celebrari nequeant vehementè dolent: Ac votis, & precibus enixè à Domino petunt, & efflagitant à Beatissima Apostolica sede T V A indulgenti.

Pro nostri igitur officij munere supplici geniculatione, humilique prece BEATIT. TVAM impensè, magnoque obsecramus affectu, ut populorum precibus, & votis annuas, & nostris: atque solenni sacrae apothese ritu suspiciendum, admirandumque hunc virum Sanctorum dignum honore, numero, cultu, & veneratione decernas. Simul & in eum, quem supera donatum luce, & in cælis degentem piè credimus, fidelium pietatem, cum devotione, & religione coniungam, quâ ipsum reveriti, venerati que sumus non vanam, & inanem, sed debitam, & iustam sacratissimi Apostolatus TVI

aucto:

auctoritate declares. Vt eius intercessionibus DEVS OPT.
MAX. BEATIT. TVAE, & praesentem, & sempiternam largif.
sine tribuat felicitatem. Datum Cordubæ in Capitulo nostro
Tertio Non. Maij. Anno Domini CII. IIC. XXV.